

大庾縣志卷之二十一

藝文

詩

唐

題大庾嶺北驛

宋之問

陽月南飛雁傳聞此地迴我行殊未已何日復歸來江靜
潮初落林昏瘴不開明朝望鄉處愁見隴頭梅

度大庾嶺

宋之問

度嶺方辭國停輶一望家魂隨南翥鳥淚盡北枝花山雨
初含霽江雲欲變霞但令有歸日不敢怨長沙

大庾縣志

卷之二十一

藝文

詩

一

依韻贈南安方處士

徐寅

兩鬢當春却似秋僻居誇近野僧樓落花明月皆臨水明
月不流花自流

晉楚忙忙起戰塵龔黃門外有高人一畦雲薤三株竹席
上先生未是貧

大庾驛有懷

蔣吉

一囊書重百餘金郵吏甯知生計貧莫訝偏吟望鄉句明
朝便見嶺南人

邀同杜員外審言過嶺

沈佺期

天長地濶嶺頭分去國離家見白雲洛浦風光何所似崇

山瘴癘不堪聞南浮漲海人何處北望衡陽雁幾羣兩地
江山萬餘里何時重謁聖明君

自始興谿夜上赴嶺

張九齡

嘗蓄名山意茲爲世網牽征途屢及此初服已非然日落
青巖際谿行綠篠邊去舟乘月後歸鳥息人前數曲迷幽
嶂連圻觸暗泉深林風緒結遙夜客情懸非梗胡爲泛無
膏亦自煎不知于役者相樂在何年

同綦母學士月夜聞雁

張九齡

棲宿豈無意飛飛更遠尋長途未及半中夜有遺音月思
關山笛風號流水琴空教兩相應幽感一何深避繳歸南

大庾縣志

卷之二十一

藝文

詩

二

浦離羣叫北林聯翩俱不定憐爾越鄉心

雜詩二首

張九齡

孤桐亦胡爲百尺傍無枝疎陰不自覆修榦欲何施高岡
地復迴弱植風屢吹凡鳥已相噪鳳凰安得知
良辰不可遇心賞更蹉跎終日塊然坐有時勞者歌庭前
攬芳蕙江上託微波路遠無能達憂情空復多

敘懷

張九齡

弱歲讀羣史抗節追古人被褐有懷玉佩印從負薪志合
豈兄弟道行無賤貧孤根亦何賴感激此爲隣

感遇九首

張九齡

蘭葉春葳蕤桂華秋皎潔欣欣此生意自爾爲佳節誰知
林棲者聞風坐相悅草木有本心何求美人折
幽林歸獨卧滯慮洗孤清持此謝高鳥因之傳遠情日夕
懷空意人誰感至精升沈理自隔何所慰吾誠
魚遊樂深池鳥棲欲高枝嗟爾蜉蝣羽萋萋亦何爲有生
豈不化所感奚若斯神理日微滅吾心安得知浩嘆楊朱
子徒然泣路歧
孤鴻海上來池潢不敢顧側見雙翠鳥巢在三珠樹矯矯
珍木巔得無金丸懼美服患人指高明逼神惡今我游冥
冥弋者何所慕

大庾縣志

卷之二十一

藝文

詩

三

吳越數千里夢寐今夕見形骸非我親衾枕卽鄉縣化蜨
猶不識川魚安可羨海上有仙山歸期覺神變
西日下山隱北風乘夕流燕雀感昏旦簷楹呼匹儔鴻鵠
雖自遠哀音非所求貴人棄疵賤下士嘗殷憂衆情累外
物恕已忘內修感嘆長如此使我心悠悠
江南有丹橘經冬猶綠林豈伊地氣暖自有歲寒心可以
薦嘉客奈何阻重深運命惟所遇循環不可尋徒言桃李
樹此木豈無陰

抱影吟中夜誰聞此嘆息美人適異方庭樹含幽色白雲
愁不見滄海飛無翼鳳凰一朝來竹花斯可食

漢上有游女求思安可得袖中一書札欲寄雙飛翼冥冥
愁不見耿耿徒緘憶紫蘭秀空蹊皓露奪幽色馨香歲欲
晚感嘆情何極白雲在南山日暮長太息

按曲江開梅嶺路蘇詵稱其緣磴道披灌叢相其
山谷之宜革其坂險之故坦坦而方五軌闐闐而
走四通鑿耳貫胸珠琛絕費有宿有息如京如坻
偉哉極天蟠地之功宜食其德者歷數千百年而
俎豆常新也第舊志曲江傳頗嫌簡畧不及引坐
周子諒左遷遂相李林甫牛仙客而國是日壞請
拜墓歸事至於藝文中所載唐詩亦止於宋延清

大庾縣志

卷之二十一

藝文

詩

四

等數首而已殊不知唐初五言古漸趨於律風格
未遒陳正字起衰而詩品始正張曲江繼續而詩
品乃醕其感遇九首正字古奧曲江蘊藉本原同
出嗣宗而精神面目各別所以千古沈歸愚宗伯
論之詳矣而舊志藝文中未錄其一何耶新建張
扶長吏部致政家居撰江西詩派圖錄首述呂居
仁所論宗派次總論次小傳次主客問答各郡各
有所祖如潯陽之祖陶元亮宜春之祖鄭守愚臨
川廬陵祖介甫永叔之類予謂南安詩派自應上
溯曲江因博採之傳其忠悃補列傳所不及亦猶

康對山志武功人物志兼載后稷唐高祖太宗列女志兼載姜嫄太姜意也

故右僕射相國張公九齡

杜甫

相國生南紀金璞無留礦仙鶴下人間獨立霜毛整矯然
江海思復與雲路永寂寞想土堦未遑等箕顓上君白玉
堂倚君金華省碣石歲崢嶸天池日蛙黽退食吟大庭何
心記榛梗骨驚畏曩哲鬢變負人境雖蒙換蟬冠右地慙
多幸敢忘二疏歸痛迫蘇耽井紫綬映暮年荊州謝所領
庾公興不淺黃霸鎮每靜賓客引調同諷詠在務屏詩罷
地有餘篇終語清省一陽發陰管淑氣含公鼎乃知君子

大庾縣志

卷之二十一

藝文

詩

五

心用才文章境散帙起翠螭倚薄巫廬並綺麗玄暉擁牋
誅任昉騁自我一家則未闕隻字警千秋滄海南名繫朱
鳥影歸老守故林戀闕悄延頸波濤良史筆蕪絕大庾嶺
向時禮數隔制作難上請再讀徐孺碑猶思理烟艇

嶺上逢久別者又別

權德輿

丹徒人

十年曾一別征旆此相逢馬首向何處夕陽千萬峰

卻赴南邑留別蘇臺知己

劉長卿

又過梅嶺上歲歲北枝寒落日孤舟妥青山萬里看猿聲
湘水靜草色洞庭寬已料生涯事惟應把釣竿

祇命嶺外路逢表兄別後卻寄

許

渾

丹陽人

盧橘香花拂釣磯美人猶舞越羅衣三洲水淺魚來少五
嶺山高鴈到稀客路脫衣紅樹宿鄉門朝望白雲歸交親
不念征南吏昨夜風帆去似飛

宋

戲贈南安倅柳朝散

黃庭堅

柳侯風味晚相見衣袂頗薰荀令香桃李能言妙歌舞樽
前一曲斷人腸洞庭歸客有佳句庾嶺梅花如小棠乘興
高帆少相待淮湖秋月要傳觴

南安試院無酒飲周道輔自贛上攜一榼時時對酌

惟恐盡試畢僕言尙有餘樽木芙蓉正盛開戲呈

大庾縣志

卷之二十一

藝文

詩

六

道輔

元豐四年太和作

黃庭堅

聞說君家好兄弟窮鄉相見眼俱青偶同一飯論三益頗
爲諸生醉六經山驛已催乘傳馬曉牕猶共讀書螢霜花
留得紅妝面酌盡齋中竹葉瓶

過大庾嶺

蘇軾

一念失垢汙身心洞清淨浩然天地間惟我獨也正今日
嶺上行身世永相忘仙人拊我頂結髮受長生

度梅嶺寄子由

蘇軾

七年來往我何堪又試曹溪一勺甘夢裏似曾遊海外醉
中不覺到江南波生濯足鳴空澗霧繞征衣滴翠嵐誰遣

山雞忽驚起半林花雨落穆穆

投章獻策莫多談能雪冤忠死亦甘一片丹心天日下數
行清淚嶺雲南光榮歸佩呈佳瑞瘴癘幽居弄晚嵐此後
西風庾梅謝卻迎誰與落穆穆

山林瘴癘老難堪歸去中原茶亦甘有命誰憐終反北無
心卻笑亦巢南蠻音慣習疑僮語脾病縈纏帶嶺嵐賴有
祖師清淨水塵埃一洗落穆穆

南還一首

蘇軾

暫着南冠不到頭卻隨北鴈與歸休平生不作兔三窟今
古何殊貉一邱當日無人送臨賀至今有廟祀潮州劍關

大庾縣志

卷之二十一

藝文

詩

七

西望七千里乘興眞爲玉局游

予昔過嶺而南題詩龍泉鐘上今復過而北次前韻

蘇軾

秋風卷黃落朝雨洗綠淨人貪歸路好節近中原正下嶺
獨徐行艱嶮未敢忘遙知叔孫子已致魯諸生

贈嶺上老人

蘇軾

梅骨霜髯心已灰青松十丈手親栽問翁大庾嶺頭住曾
見南遷幾個回

贈嶺上紅梅

蘇軾

梅花開盡雜花開過盡行人君不來不趁青梅嘗煮酒要

看紅雨熟紅梅

綠陰亭

侍御王奇 贛人

創得幽亭近嶺梅綠陰名好稱仙才四邊山色檐頭出一帶泉聲竹裏來

種梅

有傳

女郎

妾幼侍父任英州司寇既代還以大庾有梅嶺之名而反無梅遂種三十本於道因題詩識之

英江今日掌刑回上得梅山不見梅輟俸買將三十本清香留與雪中開

癸亥初到嶺下寄汪聖錫

張九成

大庾縣志

卷之二十一

藝文

詩

八

人物苦難得閉眼不敢看孤芳擢荒穢秀色出榛菅懷我同心友正在天一端文字妙入聖操履到所難美玉經三煅貞松過凝寒憐我竄庾嶺色慘顏不歡書來每慰薦苦語餘辛酸不上泰山頂安知天下寬相思暮烟起片月過前灘

三月晦到大庾

張九成

我登超然臺積雨久不止臺下柳成行柳下滿塘水環塘率喬木照影弄清泚恍如在故鄉西湖古寺裏氣象極幽深景物盡蒼翠十年勞夢想一夕居眼底獨坐不能去頽然起深思鐘鳴主人歸燭光何煜燁笑語復移時夜久余

當起歸路夫何如江聲寒玉碎

大庾舊多梅居士到此數年始登嶺不見一枝

張九成

詩人常說嶺頭梅往往春風自此來我到嶺頭都不見空
將春夢又空回

丙寅正月

張九成

常年正月未全春春色今年輒去人試上小樓南北望紅
英滿地綠粼粼

食苦筍

張九成

吾鄉苦筍佳出處惟石屋玉肌膩新酥黃衣緣深綠林深

大庾縣志

卷之二十一

藝文

詩

九

恐人知頭角互出縮烟雨養春姿此物未成熟三月臘酒
香開罇酌幽獨烹庖入盤俎點醬真味足未須五鼎牛聊
稱一囊粟竭來庾嶺下歲月去何速經冬又七春未分窮
途哭今朝好事者惠我生一束頭髮甲爛斑味惡韻麤俗
兒童不慣嘗噦噫驚媪僕老妻念鄉味放箸淚盈目丈夫
志有在何事校口腹呼奴更傾酒一笑風生谷

次單推韻

張九成

執別動經歲年光挽莫留壯心今已老雅志自無求白日
將詩遺生涯著醉酬頽然烟瘴裏一飽更何憂

庾嶺三江外相過車馬勤孤吟清廟瑟愁思楚江雲寂寞

林逋宅淒涼伍相墳何時定歸去摸索斷碑文
每思鄉里秀日日聽新除愁苦千行淚清貧一束書端溪
元秀爽梅蕊正蕭疎公事多餘暇簞瓢亦晏如
十一月忽見雪片居此七年未嘗見也

張九成

風色遽如許神清瘦不禁瓦溝聲磔索珠琲亂衣襟斯須
忽復變玉片墜前林風勁勢回旋飄零蔽遙岑落此炎瘴
地七年到於今不見六花飛況聞寒玉音今年盈尺瑞天
以慰吾心呼兒具盃盤開樽須滿斟更製白雪詞入我綠
綺琴

大庾縣志

卷之二十一

藝文

詩

十

嘉祐寺

張九成

曳履出南郭招提在高岡誰言林樾中乃有此寶坊甘泉
溢中庭修桂蔭層廊三秋此花開清香駐高堂試問紅塵
中那得六月涼門外江聲急堂中松韻長古殿儼像設佛
燈龕夜光不見堂中人陡覺心悲傷人生本無定樂處是
吾鄉吟餘復何事月落山蒼蒼

十二月二十四夜賦梅花

張九成

我來嶺下已七年梅花日日鬪鮮妍詩才有限思無盡空
把花枝歎晚烟頗怪此花嵐瘴裏獨抱高潔何娟娟苦如
靈均佩蘭芷遠如元亮當醉眠真香秀色看不足雪花永

霰相後先平生明明復皦皦一嗅霜蕊知其天固安冷落
甘蠻蜚不務輕舉巢神仙他年若許中原去攜汝同往西
湖邊更尋和靖廟何許相與澹泊春風前

辛未閏四月卽事

張九成

寓居城中寺蕭然如青山終年客不到終日戶亦關晨朝
香火罷去履脫危冠飽讀古人書會意有餘歡客有饋荔
枝薦以碧玉盤吟哦更咀嚼未羨朱兩轡鮫綃作紅皺護
此冰飢寒

橫浦亦何好人烟眇荒墟所以常閉門九年唯讀書予幼
好奇服玉佩而瓊琚念往復推來薰然樂有餘客有不知

大庾縣志

卷之二十一

藝文

詩

十一

者笑我長勤渠目昏心則瑩道腴形自枯千載陶淵明簞
瓢常晏如譬如雞羣中有此海鶴孤

讀書

張九成

伊余生三吳竄逐落荒外大目試環顧四海等一芥誰能
於其間清濁分涇渭含菽亦飽滿食蘖有餘味不羨嵇叔
夜左右持酒蟹大哉黃卷中日與聖賢對
橫浦非吾土久寓亦何聊不學元相國百斛貯胡椒飢寒
何以遣唯以文字消方其得意處捽茹亦逍遙頓忘物我
情天地本寬饒告爾二三子我歌爾其謠

雙秀峯

張九成

且向城西去林驚雨濺空亂山明滅外古剎有無中笑指
雙峯秀迴看落日紅中興喜無事歌管莫怱怱

題大庾新樓呈鄭仲遠年契

張九成

憶昔衡門不勝愁忽驚薨棟半空浮朝披爽氣山圍座夜
坐清吟月滿樓公事早休簾迴晝圍屏常靜草連溝已聞
名姓傳天上行看騎鯨隘九州

嶺下桃花作澹紅絕可愛因作絕句 張九成

江北桃花色頗濃不堪凡陋也春風誰知嶺下新來樣故
作宮粧淡淡紅

南安軍未至嶺有望梅亭余兄端翔權軍事有感作

大庾縣志

卷之二十一

藝文

詩

十二

此

羅願

節物重陽後風烟庾嶺頭休論梅子雨纔度菊花秋翠壁
堪橫絕幽亭勸小留謀生兄弟拙一一傍南州

南安道中

朱子

曉澗淙流急秋山寒氣深高蟬多遠韻茂樹有餘陰烟火
居民少荒溪草露侵悠悠秋稼晚寥落歲寒心

宿眞覺寺

朱子

眞覺江邊寺風烟罨畫然庭羅合抱柏門泊釣魚船暮雨
涼初過中秋月正圓無人來共賞獨自占江天

至南安軍第七十八

予四月二日至南安軍鑰置舟

中予不食擬至廬陵得
瞑目庶幾首正之義云

文天祥

短日行梅嶺

哭李常侍

天門鬱嵯峩

別唐誠

江西萬里船

春夜留宴

歸期無奈何

何將軍山林

南安軍

文天祥

梅花南北路風雨溼征衣出嶺誰同出歸鄉如不歸山河
千古在城郭一時非饑死真吾志夢中行採薇

嶺北道中

劉秉忠

邢州人

雨霽輕烟鎖翠嵐五更殘月照征驂玉戈定指何方去天
意仍教我輩參霜氣堂堂在西北長庚朗朗照東南江山
如舊年年換誰把功名入笑談

大庾縣志

卷之二十一

藝文

詩

十三

元

發橫浦之永淳縣

范梈

清江人

急漿開蜃漲孤尊已夕陽水光排峽靜洲勢背城長太史
才無敵將軍義不忘感傷今歲月淹泊愧滄浪

梅嶺題知事于卷

侍郎

聶古柏

鄱陽人

黃金臺上客大庾領頭春如是無詩句梅花也笑人

三月十日觀南安趙使君所藏書畫古器物

柳貫

浦江人

三月浹旬新雨餘市河一舸如浮苴言尋佳客趙橫浦步
入城隅門巷紆褰簾迎揖坐便坐深炷爐熏呼茗盃硯屏

方截紫綺段楚瑤秀列珊瑚株是家素號虹月舫載畫盈
簾書盈車客逢好事要審鑒便肯解褚傾囊儲相看貴德
亦貴物古玉錯落排筵敷鹿盧帶鈎環珮玦鞞鞞肯將承
屬鏤佩章六紐四官印篆畫刻深銅質麤配之衝牙奉君
子貫以繫璲聯金魚連錢驄馬琢文玉圉人立側垂裙裾
神工定復煩剖口赤刀故想來錕鍔次陳鼎器論製作商
周秦漢焉可誣元武實水鹵實醴腹背翠錯提梁朱最奇
劍槩尺有咫綠玉龜鱗純體膚精銅歲久剛性在間閱燥
溼其無渝銓量畫品差甲乙錦標玉軸隨伸舒庭光古佛
出梵相滿月在水蓮生跌盧前吳後筆鋒勁履豨承蝸元

大庾縣志

卷之二十一

藝文

詩

十四

化俱瑤池仙會上中卷細考自是吳元瑜雲霞樓觀遞隱
見花竹羽毛工染濡絳旌飄轉紫簫發步輦導從千瓊妹
終篇八駿惜旣闕詩亡可補此置諸意夫鬼物揜疵類免
彼耄荒留歎吁徐熙葩葉妙設色塵昏蠹蝕猶鮮腴古綃
一段寫秋意芙蓉鷓鴣連茭蘆夢載鴟夷浮浩渺此興初
不緣尊鱸七客張宣爲誰作濃墨大筆色不枯五人人跨
一善馬一跨鳥韃一蹇驢印窠慘淡悅生字豈曾籍入官
中帑穰穰畫苑姑撥棄伸眉更請評法書二王眞迹胡可
得硬黃數幅眞唐摹蘭亭五字損不損肥本瘦本班班殊
如人聲口耳目具神采乃在頰上鬚虎賁舉樽雖甚似優

孟抵掌何其疎世間楮墨日弊弊欲駕跛鼈行天衢南唐
常侍六書學凌轢斯邈闢榛蕪雜詩流麗滿一卷銅甬篆
法無能踰金繩鐵紐莽回互山蚪海蜃爭騰驅嗟予欲讀
屢拊口形求意索且須臾泰山繼起石鼓後李監捷出張
先弧向微二徐爲啟籥此道湮滅誰昭蘇眞書生行行生
草飛白籀隸同一樞張顛草聖入三昧小楷妙合褚與虞
郎官石記毀已久百金可有墨本無世之珍物豈待贊題
記況復經鮮於綺園用夏四神坐刻字寸許無葩萼永平
元舅紀功頌燕然何在榻墨烏厓鐫野刻百數種傳觀一
二日已晡餘歡未盡謀再至榜人催發吾歸歟暮投蕭寺

大庾縣志

卷之二十一

藝文

詩

十五

微雨作昏燈照影溜鳴渠冥懷具復領其要回向灼觀心
地初百年蓬累大宇宙蕩搖不啻風中旃寓意於物形勿
著尤物亦能爲我娛滯形小足致偷奪大或控頤傷口珠
牛李相傾坐石禍王涯復壁嘻其愚吾徒適目取一快彼
豪巧者方睚盱唏予嗜古與君並見獵時然思負嶠作詩
紀載實覩縷若遇匠手當刊除同觀六士梁越產王陽三
子甘陳余交游聚散等萍絮春風渺渺吹江湖徵詩如見
所見者後有畫者傳之圖

按詩所言者古玩然正可想其人故載之

送南安鎮撫趙南山捧表西省

薩都刺

雁門人

平生尺劍衆中師
臣子肝腸天地知
少壯金戈探虎穴
太平鎧甲網蛛絲
素衫白髮尊前酒
紫塞黃雲馬上詩
今日又隨天表去
梅花香裏立沙墀

從軍

郭 昂

妖氛慘白晝
天狼窺紫微
世故人心迫
秋高戰馬肥
乾坤增肅氣
鼓角壯神威
刁斗淒風急
貔貅白羽揮
陣雲愁不散
邊月澹無輝
烽火千山起
炊烟萬竈稀
獸蹤驚遠伏
鳥影避營飛
雷電奔長檄
旌旗擁戟闈
八風觀世應
六甲秘天機
社稷悲英雄
劍肝腸快鐵
衣樓船功可繼
銅柱願常違
談笑一時了
軒昂滿意歸
太平方有象
聖德自徽徽

大庾縣志

卷之二十一

藝文

詩

十六

按野齊傳載江西盜起昂討之進逼南安明年平龍巖湖綠村石門鴈湖赤水黑風崗諸蠻六太平寨而還則從軍是此邦前雖嘗安撫沅州招降溪洞深味詩意固於南安爲愜

送艾幼玉赴南安儒教

劉 詵
廬陵人

儒官如蔗杪
妄意近佳境
亦知嗜習累
誑俗示雋永
堂堂道心翁
學道倚袖領
摛詞屈鄒枚
講道來華邴
盛世擅場屋
金石出欵警
東家升仙子
往往盡餘鼎
空山三十年
華髮急垂頂
春風八極意
獨立修竹影
一官豈足償
跋涉壓崇嶺
五陵多少年
永雪照清炯
楊花鳥語亂
走馬出三省

古來天地間此事從耿耿南中少人事山水清可詠歲晚
不負君梅雪三百頃

大庾嶺留題二首

呂思誠
崑山人

晨興散策雲封寺巖岫天開紫翠圖一水南來分百粵大
江東下入三吳

霜旭開晴曉出關衝寒驢子喟毛攢西風百里南雄道綠
樹丹楓滿意看

洪武辛亥南歸重度梅關二首

呂思誠

去年鼠逐下南溟萬里歸來鬢已星南入西州天一髮香
爐長繞九江青

大庾縣志

卷之二十一

藝文

詩

十七

歸路籃輿鶴背輕保昌東下過長亭今朝又向梅關度此
是江南第一程

明

重過南安二首

解縉
吉水人

少年見說張橫浦曾訪南安舊謫居跡宛然存石礎至
今重到已荒蕪

庾關北望曙河流江右江邊壯此州爲有東坡兩行竹每
看南斗近譙樓

寄鷗溪

修撰
羅洪先
吉水人

溪上幽人溪畔鷗乍來乍去意悠悠問君此意今何事塵

事相催易白頭

寄東山眞覺寺往定師

修撰 羅倫 永豐人

說法誰能不離宗歸林猶聽去時鐘空留大藏三千卷又
向東山第幾峯世外自拚隨落葉門前誰與護長松尋幽
憐汝過支遁早是深公未易逢

登東山送馮掌教

郡守 張弼

落木風高白鴈飛登山臨水送將歸一時景物黃花帽十
載情懷綠酒盃庾嶺無塵侵我扇謝安有月近人衣梅關
明月頻回首醉墨畱香在翠微

一回相見一清吟短髮繁霜歲月侵浪跡誰憐南又北曠

大庾縣志

卷之二十一

藝文

詩

十八

懷自信古猶今越王臺上秋風早張相祠前暮雨深莫問
元都痴道士紅塵回首欲投簪

張丞相祠

張弼

時將小至始淒風錦樹溪山富貴冬丞相祠前薦浮蟻將
軍嶺上望高鴻紫雲西北三光近滄海東南萬國通樂與
故人同一醉欲騎黃鶴從飛龍

張相新祠何處尋梅花嶺上最高岑雲封一室藏金鑑泉
滴層階奏玉琴後世競傳開路蹟當年未盡補天心李猫
聳耳青騾遠獨立西風慨古今

金蓮山高明所

張弼

金蓮山上高明所燕坐居然見八荒虎鬪龍爭俱漠漠
飛魚躍自洋洋漢唐事往江山在溪谷人遊草木香喚醒
半生塵土夢松風爲我洗肝腸

西華山

張弼

三載約遊西華山興來今日始躋攀參差樹影青雲上遠
近泉聲白石間韓愈有詩題玉井陳搏無室煉金丹我來
何用傷今古沈醉肩輿日暮還

寶積寺

張弼

十笏禪房十笏臺香烟花氣自徘徊丁甯莫放遊塵到點
破窗前紫翠苔

大庾縣志

卷之二十一

藝文

詩

十九

陳公甫寓寺連日不見寄之

張弼

何事今朝阻笑談淒風寒雨暗江南百年事業知多少九
月光陰又廿三綠酒且教人酩酊黃花自笑鬢鬢晚晴
遠過周臺宿細雨崆峒道士參

法華寺

張弼

南安北寺足徜徉公務清遊兩不妨玉版禪師參茗椀金
蓮侍者供檀香墨花灑灑雙亭雨劍影翻翻五嶺霜分付
山林老猿鶴好分一半作黃堂

鴨子湖

張弼

紅光明滅龍珠巷綠水瀾漫鴨子湖十里麥風迎去旆一

亭松影叫提壺

紅梅贈翁僉事

張弼

庾嶺小紅梅風標天下絕昨日幸同歡今日傷離別玉笛
兩三聲吹落胭脂雪寫以贈同心相攜共明月

寶積寺

檢討 陳獻章 新會人

酒醒迴龍欲二更迢迢秋漏徹江城何須不理東湖棹徐
孺庭前月自明

金鼇閣

陳獻章

橫浦秋成百尺橋金鼇閣上見山遙憑高無限歸來思何
處飛雲不可招

大庾縣志

卷之二十一

藝文

詩

二十

橫浦橋

陳獻章

乘輿十月猶溱洧子產安知爲政在隔江騎馬是何人下
馬問訊張東海

宿中臺

陳獻章

黃菊花開又一年南山無分對陶潛不知風月隨儂否惱
殺臺中此獨眠

玉枕山

陳獻章

一枕橫秋碧玉新金鼇閣下見嶙峋使君得此全無用賣
與江南打睡人

梅嶺路

張詔

鑿平初見曲江公潤色今誇太守功惟有道人來往路馬
蹄空遣白雲從

鐵漢樓

通政
參議

張 詡

樓高風急不勝寒卻把朱絃手自彈彈到無聲更漏永天
空明月滿欄杆

金鰲閣

張 詡

日照孤城北閣高浮生何處息塵勞我來閣上清風滿只
釣清風不釣鰲

鐵漢樓

提學

邵 寶
無錫人

寶界寺中鐵漢樓江山壯哉樓上頭我來再讀元城傳白

大庾縣志

卷之二十一

藝文

詩

二十一

晝寒風生遠愁

拜橫浦像

邵 寶

橫浦先生像有碑我來曾此一瞻之日新數卷遺書在卻
憶當年下筆時

舞劍臺

邵 寶

舞劍臺荒更墨花使君袍笏在烟霞南安別有高明地好
結新亭坐白沙

東海祠

邵 寶

先生不作南安郡止說文章足潤身滿路棠陰吟不盡妬
公人是愛公人

謁南安道源堂

黃仲昭
莆田人

乾坤有此三夫子邂逅于斯豈偶然數卷圖書探道妙一襟風月悟心傳斯文統緒承先聖理窟淵源啟後賢我欲摳衣挹溫厲德容無計起重泉

謁南安道源堂再用前韻

黃仲昭

聖學湮沉世幾遷先生推闡復昭然羲前至理探無極軻後斯文賴有傳星聚奎躔開道化天將文教付名賢千年底緒思重續掘井何人已及泉

南安訪同年張東海祠和同年張泰侍御韻

黃仲昭

大庾縣志

卷之二十一

藝文

詩

二十二

南安太守知多少誰復如君有此祠施設總根經史學死生均係吏民思平生不負曾王志終古難磨叔子悲遺像儼然猶不死何須更賦擬招詩

南安行臺賦古梅

兩按郡皆過梅關甲寅重臨樹半枯而花猶自若紀二絕

黃仲昭

橫浦行臺有老梅看花今是第三迴浮生莫歎容顏改鐵榦冰姿亦半摧

鐵榦冰姿亦半摧入門爲爾重徘徊獨憐不改堅貞操依舊寒花冒雪開

題大庾嶺紅梅三首

學士 邛 濬
瓊山人

淡質幽姿絕點埃
乾坤間氣特生來
花神昨赴瑤池宴
一夜春風與換胎

清姿原自玉爲容
一餌仙丹便不同
怪得風標異凡品
托根今在蕊珠宮

素心的的結成丹
節操依然耐歲寒
他日調羹如見用
故家風味一般酸

題湛泉二首

張九遠 邑人

一掬寒泉萬古清
湛然亭下寄高情
夢回塵世應何日
獨對江雲自濯纓

獨倚清泉小結亭
轆轤聲裏萬峯青
憑誰共試中泠水
春

大庾縣志

卷之二十一

藝文

詩

二十三

酒初香夢欲醒

寶積寺

劉節 邑人

曲徑重遊地空門
欲暮時報晴在佛鼓
照水淨花枝塵榻
參禪梵紗籠問舊詩
東風爾好事慚我鬢如絲

法華寺

劉節

綠酒黃花疇美景
敝冠短髮試高秋
亭臺日落歌僧寺
鼓角風清起戍樓
野老獨追彭澤興
使君應比習池游
青山繞郭堪行樂
江草何須日喚愁

庾嶺紅梅

劉節

庾嶺初放一枝紅
玉骨何人奪化工
澹著絳桃濃着杏
春

光散在萬花叢

玉池碧蓮

劉節

碧玉蓮花白玉池
天仙標格水仙姿
章江春水高千尺
應與邦人應讖詩

金蓮使節

劉節

官亭北接帝王州
使者傳宣出鳳樓
兩度丹書三度節
老臣何以報宸旒

赤壁仙舟

劉節

丹山仙水一仙舟
錦纜牙檣載月遊
欲起東坡重作賦
宛然風景在黃州

大庾縣志

卷之二十一

藝文

詩

二十四

嫦娥秋月

劉節

嫦娥高嶂接蟾宮
秋色雲開萬里同
我愧當年雲步穩
桂花先折一枝紅

玉枕春雲

劉節

玉峯佳氣鬱葱葱
靉靆氤氳滿太空
四海從龍足雲雨
卷舒無迹亦無功

西華層巒

劉節

西嶽峻嶒接絳霄
花宮隱約入山椒
逢僧一話歸來晚
萬壑松風振海濤

東山聳翠

劉節

出郭東林翠色多
梵宮轟轟隱巖阿
當年着履人何在
花雨樓前一笑歌

橫浦垂虹

劉節

長樓百尺水流東
日落霞明映彩虹
題柱仙郎今已老
祇教人誦濟川功

靈巖飛瀑

劉節

高巖飛瀑灑飛泉
恍似銀河落九天
日對素峯吟秀句
詩才李白是天仙

呂仙丹井

劉節

唐家呂進士
傳道學神仙
仙丹不在井
今人空汲泉

大庾縣志

卷之二十一

藝文

詩

二十五

東渡觀瀾

劉節

芙蓉江上水
津人識淺深
試問觀瀾者
何如川上心

秀峯文筆

劉節

雲霞燦如箋
秀峯銳如筆
千古中書君
應待詞人出

蘇步坊

劉節

南埜有蘇坊
嶺南有蘇渡
當時立朝人
不知在何處

南山聳秀

劉節

江北山多秀
江南秀更奇
羣峯侵漢拔
孤塔鎖烟危
筆聳詞鋒銳
屏開錦帳垂
我慙韓吏部
一掃萬言詩

書臺疏秀

劉節

秀色新標勝叢書舊築臺琳瑯開草莽袵佩聚英才岳麓
風烟接文星光燄回千秋名教在爲我掃莓苔

賢女祠

劉節

投江合在許吳時此義分明女不迷直待吳亡方覓死令
人認作蔡郎妻

吳郎不死女何歸女志難將父命違捱到結褵終是死死
魂還向蔡郎飛

題梅國書院三首

尙書
湛若水增城人

山遶孤城帶溪幽居溪畔與城西主翁獨擅溪山勝消
得泉翁來杖藜

大庾縣志

卷之二十一

藝文

詩

二十六

樓外臺前沼引溪樓中充棟與雲齊半年恭默開羣籍學
禮無甯但學詩

書院初成桃李樹卽看桃李漸成蹊背山莫訝劉園僻起
舞還應聽曉雞

君子堂

原註時陳堯守郡

湛若水

君子堂開君子題君子去後遺人思後來居守者誰子太
邱愷悌吾無疑

吟風弄月臺二首

湛若水

金鼇閣上看山來爲仰前修陟古臺弄月吟風乃何意芙
蓉自對菊花開

臺高吟弄蓮君子鐵漢樓開對墨君宇宙無窮今古事人情類聚又羣分

玉峯院

劉寅 邑人

小院何時闢客子住多年半榻應猶在雙趺故隱然五龍時布雨片玉欲擎天更有元珠在無勞砥柱懸

呂仙丹井

劉寅

此井傳聞呂棄丹盡言飲可注朱顏如何道上相逢者三十年來兩鬢斑

嶺北早行

參政徐璉

節旆晨鐘發肩輿野徑行碧天星漸落滄海日初生風細

大庾縣志

卷之二十一

藝文

詩

二十七

敲松韻泉香瀉澗鳴塵埃籌世事頓覺利名輕

壟遊

何昞 邑人

小蘭亭寄石泉西磴轉龍屏信杖藜望裏雲停家壟鬱懣邊鶴在古松棲觴流酬酢東風醉句就敲推白日低髣髴永和今上已蘚崖鐫破翠留題

遊亞東山題壁二首

何昞

最愛東山僧舍幽迴看章水破中流萬家城市西南折一帶橋船上下浮護徑古松成禿髮開雲遠岫出磬頭謝安妓魄飛蛺蝶蠟屐知春不負遊

山寺春高載酒遲鳥聲猶在落花枝瑯琊永叔醉能記修

覺少陵狂有詩碧蘚坐溫敲句石醅顏酌費聽泉卮等問
歸去墨莊晚那得白雲明月隨

赴呂侯飲

副使方豪

淹留逢地主不道是殊方帶雨穿花徑披雲啟竹房酒林
春未老棊局日初長此會何時再江山思渺茫

和都憲梅國先生壁間詩

方豪

策馬迴龍寺春山雨霽時佛香燒柏子歌袖拂揚枝鴻雪
多留跡鶯花總入詩醉來拈秃筆墨汁灑烏絲

和方使君韻

郡守呂律

宿雨留征旆乘閒逐上方苔衣清客座香霧繞僧房雲濕

大庾縣志

卷之二十一

藝文

詩

二十八

山光暗橋平水勢長明朝隔庾嶺搔首立蒼茫

過峯山城

都御史王守仁餘姚人

猶記當年築此城廣猺湖寇尙縱橫民今樂業皆安堵我
亦經過一駐旌香火沿門慚老釋壺漿遠道及從行峯山
弩手疲勞甚且放歸農莫送迎

寄題鐵漢樓

尙書陸樹聲華亭人

君不見趙家中途業解紐章蔡何人能假手元城夫子七
尺軀投荒半向嶺南走歸來長揖遇坡仙訝此錚錚眼中
有張公草聖雅尙友磊落奇胸墨三斗興來吐作千龍蛇
護此天南一培塿想其放筆尙豪舉拍向紅塵試回首昔

人已往魂難招黃金誰爲鑄不朽共看滄海成茫茫何物
突兀相悠久

游雙鶴巖

孫應嶽 邑人

誰闢崑崙作十洲千葩萬卉吐瑤樓芝房紆曲迷雲曉雪
羽低徊浴露秋帝遣真人開草昧天移貝闕鎮浮邱縱令
有待乘槎客自是神仙不可留

羅漢洞

孫應嶽

老宿何年入幽巖花石奇香藤枯嚙鼠花雨潤浮龜隱露
穿潮遠痴龍聽講移我來共說法應爲點鬚眉

張龍田招集沙谿寺

孫應嶽

大庾縣志

卷之二十一

藝文

詩

二十九

不是前朝寺誰分一瓣蓮久無獅子吼驚破野狐禪花雨
迷銀漢寒雲漱玉泉欲尋槎上月且此問張騫

燕子巖

張應崧

燕泥封未穩漏出洞中天石聳千章木雲開五色蓮丹成
砂顆熟甘透玉泉鮮莫漫疑真幻非凡卽是仙

度梅關

都督
戚繼光

溪流百折遶青山短髮秋風夕照間身入玉門猶是夢復
從天末出梅關

秋發庾嶺

湯顯祖 臨川人

楓葉沾秋影涼蟬隱夕暉梧雲初掩靄花露欲霏微嶺色

隨行棹江光滿客衣徘徊今夜月孤鵲正南飛

金蓮寺次張東海先生韻

王錫爵

太倉人

近城古寺可徜徉百遍禪關叩不妨眼底羣峯秋氣爽塵
中何處雨花香殘鐘過午遲留客雙樹當檐好耐霜爲憶
勝遊東海句清和更訪舊時堂

九日登東山漫賦

王錫爵

客有登高興東山最上頭雙城全入畫萬木未成秋目極
天邊雁情親水面鷗故鄉渺何處籬落菊開不

題楊梅城紗帽嶺

黃士俊

當年九日落龍山委向秋風未取還花映研光垂側注松

大庾縣志

卷之二十一

藝文

詩

三十

搖螺粟滴烟鬢恍如春雨彈新沐況在寒雲抵水閒最愛
晚霞聯綴處貂蟬高擁照斑斕

國朝

南安道中

陸 棻

溪山舊是南康郡山下何時築五城二十餘年新戶口幾
家茅屋午鷄鳴

南安道中

陸 蒙

章江百折走千峯南粵車書一道供負耒新民終是客佩
刀久戍不爲農買魚舊浦知何處看鹿高山第幾重往事
淒然成記憶浮雲天地老孤踪

渡雙牌峽

程可則

虔州南上路巘岼忽到雙牌水氣昏帆向夕陽爭古道天
留孤塹峙江門沿洄百折灘聲急明滅千峯樹影繁谷口
忽聞雞犬喚人家疑是武陵原

行部至大庾

丁偉

五嶺襟喉地荒城踞水濱市虛經戰伐土瘠廢耕耘雨暗
丫山樹天低橫浦雲黍苗今漸熟碩鼠漫成羣

梅關佛寺題壁

魏祥甯都人

舊國飄零別恨新梅花滿嶺正青春往來各不問鄉貫彼
此同爲行路人福地丹青塗赤子創寺者童將軍梵王樓殿接紅

大庾縣志

卷之二十一

藝文

詩

三十一

塵忙餘歇脚閒瞻禮尺五天頭尺六身

梅嶺

魏禮甯都人

久意庾關勢擘雲行來十馬可齊輪乃知奇險因豪傑爲
笑虛名誤世人新草年年生道路布衣落落老風塵誰能
弔古悲秦漢尙有張公廟貌存

題南安寶界寺

王貽上新城人

古寺興亡閱幾秋諸賢誰遣到炎州可憐橫浦關前水猶
遶當年鐵漢樓

張文獻公祠

王貽上

峽寺重雲裏人瞻丞相祠開元如夙昔風度想當時羽扇

三秋恨淋鈴萬古悲何來雙海燕猶自入簾帷

歸度大庾嶺

王貽上

大庾連橫浦艱難此再經鬢從五嶺白山入百蠻青嶠水流炎海榕陰數驛亭今宵望南斗漸遠使臣星

抵南安

王貽上

嶺南已負荔枝天橫浦重過意惘然暫借谿樓看山色蠟花如雪寺門前

南安客舍逢陸郡伯兄

世楷

以滕王閣詩見示漫賦

朱彝尊

憶昨君從柘湖至揚舲爭發吳趨市京口相逢借問君穰

大庾縣志

卷之二十一

藝文

詩

三十二

舟揚子江心寺晴雲縹緲散碧空歛忽破浪生長風孤舟如巨魚鼓鬣洪濤中川原迢遞不可極布帆飄忽隨西東我從鹿渚超長簿君到洪都更棲泊遠望開襟彼一時憑高獨上滕王閣茲樓崛起天下雄珠簾繡柱垂文虹當年王師此高宴一時詞賦推羣公留題眞蹟不可見烟雲過眼須臾變古來文采光燄長千載王郎信堪羨君家兄弟才難伍萬里聲名動江左揮毫落紙氣凌雲坐令長才失千古我亦天南萬里行白衣搖櫓度江城閒雲潭影徒回首南浦西山空復情大庾城邊日將酉下馬逢君復攜手座上新開北海樽客中飲載蘭陵酒酒闌相示絕妙辭九

莖勝食玉房芝曲終定有湘娥怨讀罷如聞帝子悲當前
勝地不得賞令我沈吟一惆悵舟楫重過定幾時雲山滿
目知無恙明發梅花嶺外看長從驛使報平安側身天地
多知己且莫頻歌行路難

度大庾嶺

朱彝尊

雄關直上嶺雲孤驛路梅花歲日徂丞相祠堂虛寂寞越
王城闕總荒蕪自來北至無鴻鴈從此南飛有鷓鴣鄉國
不堪重伫望亂山落日滿長途

庾嶺三首

朱彝尊

不隨野雀棲不挹斜階流顧茲非我鄉胡然久滯留侵晨

大庾縣志

卷之二十一

藝文

詩

三十三

陟長阜亭午次崇邱丸丸青松偃鬱鬱元雲浮有揜自東
來畢竟忽西遊徑夫念獨宿徒御方相尤
相遊夫何爲獨宿在車下往矣歲聿除來思月惟夏大儀
互迴游芳華兩徂謝迴車感長途如歲匪遙夜我馬旣已
瘖征夫本靡暇日且候雞鳴嚴程起夙駕
夙駕踰秦嶺連岡勢逶迤一爲愁霖唱慨彼東山詩沾我
征衣裳素絲以爲緇不愁裳衣溼所嗟徒御飢薄寒忽中
人不異三秋期言旋雖云樂翻使我心悲

謁張曲江祠

朱彝尊

峻坂盤神樹陰崖鑿鬼工芳塵羽扇冷春燕玉堂空不覩

關門險誰開造化功經過遺像肅十載嶺雲東

晚過東山寺

朱彝尊

飛閣流丹蝕層巒積翠多松閒明月在惆悵下山歌

過梅嶺

史大壯
鄱陽人

朝過折梅亭曾無一梅樹古人驛使情悠悠對行路午陟
梅嶺頭梅花向客笑何人堪爵贈欲折愴懷抱插天一關
殊險惡一夫握刃萬人卻尉佗恃此僭尊號跳梁不奉中
原朔倘非漢文服以柔用兵徒使黎民愁吁嗟漢文固英
后尉佗能順亦能守後代建旄大將胡爲不及佗敵兵未
來已拋戈

大庾縣志

卷之二十一

藝文

詩

三十四

出嶺抵南安

中丞
郎廷極

一百里梅關迢迢去復還重尋江上路不見粵中山猿猱
空濛外芙蓉水石間曲江祠廟在猶仰昔時顏

早發大庾嶺

喻周

波行棹始弭捨舟遂納麓樹輪半相糾衆力方交逐石路
多乘危岫壑環往復蒙形表自然蘊奇增駭矚疊壁護蒼
寒日氣午難旭祠宇方入雲籃輿競遵陸庾勝與梅銷二
名不專屬南北盡日程去來各栖宿休暇如能謀希聲散
空谷

登梅嶺

郡司
趙開雍

磴道通吳越殘碑尙勒年高攀一線嶺下瞰百蠻天偃壑
龍鱗古懸崖鳥道穿山靈須擁護萬里絕烽烟

大庾嶺 一名梅嶺

尙書 李 紱 臨川人

岷山之陽至衡山蜿蜒磅礴郴水間五嶺連綿一千里大
庾矗立尤巒岼峯蠻東走絡吳越坡陁南下開甌蠻名山
際海萬無算粲若星宿來迴環孫曾滋大祖當念柯條雖
繁根不刊我來孟夏日已暑半空儵歛風雨寒初緣仄逕
入烟靄直盤層岫窮雲端怪石對列虎蹲怒長松百丈龍
拏騫雲封佛寺漫荒忽曲江像設猶嚴尊振衣俯瞰浩莽
渺山川漠漠無涯垠羸劉世遠不可者鉤梯開鑿誠茫然

大庾縣志

卷之二十一

藝文

詩

三十五

強爲山靈立名字因緣庾勝連梅銷時清四海等同室棄
捐險阻開重關安事陸賈騁詞說豈煩楊僕橫戈鋌乃知
威德自廣大皇華萬里通輶軒登車卻循曲磴下劃然一
笑海天寬

謁張文獻公祠

李 紱

大業開炎服高文振海疆衣冠猶肅穆俎豆久芬芳唐室
逢中葉開元啟盛王維公應名世於國屬明良秀拔孤生
翠奇占九鶴祥巍科重伊呂芳譽起王張諫草羣公斂綸
扉兩制當南郊歡大報中詔洽殊方箴說均恩賞規姚慎
啟揚百僚擬風度獨步向文場上壽千秋鑑談經七寶牀

外言警房幄流品別河湟邊將功雖抑讒夫氣易昌李牛
自狼狽安史竟猖狂徒失東門嘯終成蜀道亡淋鈴傷夜
寂羽扇悵秋涼事去言猶在時危節愈光聞風興百世下
拜酬三觴來者懷明德征人指故鄉豈惟開嶺嶠合用薦
馨香旌節官程亟牲牢秩祀將此行真向若他日愧登堂
惆悵驅車路高山意不忘

梅嶺

魏際瑞

五嶺□門第一程嶮巖曾見昔人稱自從南越不稱帝直
到如今道路平絡繹輟車奔估客蕭條驢背上書生英雄
都尉成陳迹卻使梅花浪得名

按梅嶺以
梅銷得名

大庾縣志

卷之二十一

藝文

詩

三十六

庾嶺

胡會恩

巨靈劃疆索坤維主奠麗五嶽峙中原端嚴若侯衛奇險
設邊陲用作蠻荒蔽維茲南海隅屢屢聯地勢羸秦遣睢
祿拱手資魑髻桓桓梅將軍開關奉越裔兩雄時並驅不
聞連縱計臺侯久歸漢尉佗尙匹帝撲滅須再傳勇夫賴
重閉劊削萬仞餘盤紆鳥道細唐相關鴻濛鑿道營甃砌
輪蹄漸以繁虞衡通象桂我來拾級登頂拂烟霄際千章
綠榕蟠四塞黃茆翳行旅雖駢闐彳亍慮顛蹶仄徑或摩
肩爭道或攘臂揮汗成霹靂炎雲蒸昏曠擔簦喘息停郵
亭暫飲憇絡繹海賈裝磊砢珠官稅齒角殫犀象羽毛竭

翠巖邪許曳奇木細瑣甌蕉荔縹賄與賤筒捆載復輦遞
扶胥不愛寶搜抉窮根柢離方固多奇物力恐難繼下睇
羣小峯石骨露廉劇羅列若兒孫傴僂似陪隸環坳斗絕
巖何異蟻垤綴熙朝通越裳贄貢無虛歲億祀達梯航
此嶺行如礪穗石侈農祥白雉何妨戾願灑甘樹涼炎方
洗瘴癘

將至南安作

郡守 陳弈禧
海甯人

郎吏紛紛夾道遮連朝迎拜使君車銅符再剖來東嶠玉
枕遙尋問白沙春過麥疇成樂土身安山郭欲忘家并無
琴鶴人休笑幸有宜城酒可賒

大庾縣志

卷之二十一

藝文

詩

三十七

香泉雜詠十二首

陳弈禧

虛閣滄波上湖山結好緣莫愁微雨過正是養花天岸隔
漁家火門臨酒客船旅懷清課足高枕一樓烟
高樓烟水外積雨易黃昏花氣香歸榻潮聲靜到門琴鳴
孤鷺引畫補遠山痕剪燭西窗夜鄉心欲斷魂
到來人境別躡屐破香泥門倚千峯秀松深一徑迷風開
花上下泉引竹高低始信山僧樂何曾識馬蹄
連朝新雨漲溪流夾岸風聲入耳幽今夜喜逢湖上月荷
花深處一停舟

兩峰高插白雲層入暮烟畊積翠凝山磬微風吹斷後□

林明滅是禪燈

長湖平靜曉烟冷幾處笙歌醉醪醕多少嵐光空際落輕
舟載得萬峯青

朝旭方臨酒舫開暮烟紛起未知回偶聞欸乃青谿出幾
點魚燈面面來

何處西風起夕陽離離寒影欲沾裳潮聲晚到江如練嶺
路秋交草漸黃鐘動寺門催客臥雲歸山岫逐烟長松根
老去無消息曾歷當年宋殿霜

結侶問幽棲春遊過大隄澄湖羣鷺浴新柳一鶯啼雲湧
波光亂山連雨腳低故園渺何處疑隔數峯西

大庾縣志

卷之二十一

藝文

詩

三十八

綠水明如晝潮中人漸稀西風吹白桂良夜滿清暉船泛
冰壺去身從瑤島歸不知前浦路霜冷溼蓮衣

山自周遭水自灣斷橋斜對夕陽間滿隄芳草聽鶯出半
嶺孤雲待鶴還時序漸誇春月好天心獨放散人閑當年
莊惠清談後應許忘機屬老頑

踏遍層巒樹杪泉興來直欲枕流眠山同西土猶存栗社
異東林別種蓮竹密影藏雲外逕鐘疎聲出谷中天披襟
笑向烟蘿語不覺江濤落檻前

署齋曉起

陳弈禧

山迴玉枕抱江趨臥治雙城亦慰吾簾閣曉因公事起花

梢先有畫眉呼

春陰漠漠風遲遲山鳥弄春人不知新綠滿窗花漸落多情何異石阡時

出郡南門登舟

陳弈禧

才穿橫浦下迴湍便望蒙川仰翠巒晚日竟爲三伏暑夜行偏作五更寒咿呀櫓歇山前月磔格舟磨石底灘畫諾又成千里役不遑喟惜道途難

大庾蕉月灘上曉行

陳弈禧

此幅新圖億萬錢染成一筆合天然峰巒秀潤王摩詰水木清華趙大年風灑曙簾人自起烟烘初日景尤鮮低行

大庾縣志

卷之二十一

藝文

詩

三十九

白鷺斜飛過漠漠青秧又滿田

同陳香泉太守坐綠陰亭適秋雨催詩疊韻二首

呂熊

翠蔚千重合孤亭到此深山從林杪出鳥向竹邊吟幽草騷人意清泉太守心悠悠疎雨過松籟似鳴琴一雨山容變烟嵐萬疊深何須竹林隱恰有醉翁吟酒足添幽趣柑能助苦心此中清獻意常伴鶴和琴

登梅關

郡司馬 遲維璽

曉來乘興策青驄入望關山勢獨雄浦上久誇秦塞險嶺頭舊表漢侯功黃梅心印紅梅障兩粵咽喉百粵通遺澤

至今誰不朽曲江東海兩張公

橫浦雜興四首

遲維璽

郡賴先賢佐人知理學崇庸才殊自媿黽勉淑高風
雙城環曲水四面聳層巒欲問消閒處山川不盡看
梅嶺晴雲曉東山雨氣涼登樓頻遠眺梓雨入詩囊
鳥語聞朝暮花香歷四時秋風高樹頂更有鶴棲遲

九日登東山悼陳香泉

遲維璽

章門握別時曾訂登山約山色秋逾佳人生有悲樂俛仰
臺榭間聯額倩誰作辜負白衣來珍重黃花落聚散不自
由未免生死縛念君六十餘健飯猶矍鑠一朝長嘯去孤

大庾縣志

卷之二十一

藝文

詩

四十

魂竟何著緬維庾嶺間飄然應騎鶴莫以茱萸觴如共我
悲酌嗟乎永離居雲水空捉摸

懷鷗溪先生

邑令 武承謨 孟縣人

深藏梅國號鷗溪沒世誰將隱士題欲訪伊人高蹈處白
雲縹緲數峯西

庾嶺紅梅

邑令 章 緒 富陽人

重關春色故依然偃蹇紅塵不記年石谷何能移檻月南
枝獨得倚闌天閣中清嘯王孫去嶺外驪歌驛使旋莫謂
居停頻折損江城五月掌花仙

赤壁仙舟

章 緒

丹竈升騰事已非
嵯峨猶見白雲飛
空餘姑射金莖麗
無復終南玉液肥
絕壁石欹迴錦纜
臨江湍急困危磯
一從開鑿成通徑
徒使漁人學採薇

西華層巒

章緒

遙挹隆從萬仞峯
雨餘蒼翠溼芙蓉
憑空捫石天門合
隱約寒苔仄徑封
遺蛻虛亭傳白鶴
古藤斜壁掩蒼龍
探奇不淺登臨興
便擬盧敖杖策從

紀大庾嶺六絕句

劉文友

余東粵之遊取道贛之信豐龍南以達於連平比
旋值酷暑度大庾嶺病臥竹兜中不獲一領其勝

大庾縣志

卷之二十一

藝文

詩

四十一

概亦恨事也頃閱南安郡志載嶺事頗有異同因
成六絕句用正舊志之誤並補余紀行詩缺云

秦皇橫浦初勤戍
漢代將軍專築城
爲道海南爭戰久
嶺頭幾歲得休兵

臺嶺列秦之五塞
如臺一石古今平
此間舊是將軍宅
不爲封侯嶺得名

匝路曾聞庾嶺梅
南枝落後北枝開
我行不及春風候
孤卻天涯驛使回

嵯峨一寺白雲封
拾級登臨歷幾重
笑我風塵長僕僕
下山愁殺病扶筇

曲江開嶺通車馬緣磴披襟歲幾更更羨蔡家好兄弟朔
南嶺路一時平
東海先生才絕奇文章政事總堪師自從驛路人均利俛
仰誰忘去後思

秋日感賦

劉文友

愛客炎蒸倒屣迎憐才真見古人情何圖解榻眠纔穩忽
訝援棊聲不成菊綻最憐誰得句尊空幾憶對飛觥一編
刪述將過半擲筆深秋淚欲傾

自郡齋初移胡氏園亭夜坐二首兼酬遲荆山司馬

劉文友

大庾縣志

卷之二十一

藝文

詩

四十二

歸裝戒有日旅館忽重移孤亭徑曲折面面俛清池老樹
兩三株月出影參差寒光透窻隙淵魚時我窺侵尋深夜
來漏下疑遲遲鷄犬寂無聲枯禪境誰知識此靜中趣役
役空爾爲

江河日以下古道疇崢嶸當官志溫飽以此爲光榮雲雨
翻且覆死生異交情我常閱世態囊劍驚欲鳴司馬今賢
者力挽末俗傾自言范張友氣誼敦平生嗟彼良太守杪
春蒞山城相與慶同調伐木歌丁丁廢墜急修舉憂虞晨
夕并典型忽云沒別淚時縱橫坐看風教頽毋乃吾道輕
瞠言學宮地茂草薶方新郡乘百年來纂述將無成茲事

屬伊誰一一懸心旌薄俸非所惜次第勞經營虛衷訪末
士緇衣好逾真館之市城間而無喧囂聲寂靜適吾性檢
書忘深更努力酬知己詎用獵浮名

項伯仁假寓東山惠詩卻答

雷迪如 邑人

暗數春殘積雨濛山腰嵐影半天中蓮花夜漏分時滴柏
子香飄繞徑通書畫儘堪作佛事酒泉亦許建侯功君身
如坐虛舟裏雲物閒看鳥亂空

寶界寺

周安瀾 山陰人

踏破青苔寶界遊纖塵不到寺門幽無端俛仰增惆悵何
處當年鐵漢樓

大庾縣志

卷之二十一

藝文

詩

四十三

斷碣殘碑石殿前墨痕壁上幾人傳自從坡老經過後歇
絕風流五百年

夏日同友人登大庾嶺

陳世泰 海甯人

雨風驅暑導盤跚攬轡登臨動笑顏人憶庾梅留勝蹟地
同蕭散峙雄關萬重松竹深藏寺一段烟雲暗護山邈矣
空尋泉與石不知何處是無還

遊東山寺

姚士巒 桐城人

出郭恣登眺新晴萬象開衆山環寺古一水抱城來老樹
欹沙岸輕烟護碧苔數椽茅屋小亦覺遠塵埃
山城經浩劫村郭半成墟古寺靈光似川原陵谷餘溪聲

喧石急茗椀送香徐指點前峯外烟雲自卷舒

次韻

陳廷桂

東山隨處有蓮社待人開未向虎溪送先從鳥道來山空
翻貝葉徑曲老莓苔獨立凡塵外翛然不染埃
縱目禪關外徘徊歎古墟花隨殘照落草是劫灰餘放屐
難追謝掃塵若待徐疎林全不蔽望眼得頻舒

次韻

孝廉 雷鳴泰 邑人

春暮雨初霽山山夕照開憑高萬象出隔岸片帆來小徑
藏深柳閒房長綠苔懸崖郭外迴竟日不纖埃
山城百戰後井邑半邛墟飛鳥晴絲外炊烟積雨餘疎鐘

大庾縣志

卷之二十一

藝文

詩

四十四

聲隱隱歸路步徐徐回首望林薄長雲自卷舒
秋氣催人晚誰題司馬橋蕭蕭霜露促冉冉歲華凋可滌
塵埃想能消劫火燒登山共覽勝獨我意迢遙